

EL DI' de FESTA

Incoeu che l'è on dì de festa,
Me som facià a la mia finestra:
Gh'è gent che coren, van via de pressa
On quaivun per rivà no tardi a sentì Messa
Ma tanti alter per andà a spass o a fa la spesa
E nanca s'acorgen che passen davanti a la Gesa.
I supermercà anca de festa in semper vert
E insubisen i so mercanzii e tanti ofert.
O andà a spass o a fa la spesa: de sta alegher
L'è quel che cunta e cascià via i penser negher!

'Na volta se andava in Gesa dal bon Gesù
Per trovà on po' de pas e de moral tirass on po su.
Adess se preferiss no dagh a trà
A tut'i goai e tirà a campà
Salvo poeu a ricordass del bon Gesù
Quand che propi se ne po pu!

Alora sì che invece de scapà via
Se cor in Gesa a dì 'n'Ave Maria
E pisagh on ciarin a la Santa Rita
A vedè se la riess a drissam la vita.

Che pazienza te de vegh o car Gesù
Che se ricordom domà de Ti quand ch'emm podom pù!
Ma vegh pietà, semm pora gent
Tirom apress, tegnom arent!
Fa che, invece de scapà via o 'ndà fa la spesa
Ritroeuvom ammò la strada de vegnì in Gesa!

Amen.

da Don Arnaldo